


067

naitai roa
ia maua,
amu iho-
eie parau
urururu ia
ia nei, te
ve-itoito-

faaite ia
i Hikue-
toe''. Te
metua e
faaitoito
naapiihia
a mai ia
Basileia
ou ia riro
ileia o te
e tamarii
paoraa e
e tae ia
i.



Te Arae Atopa 1953

TE HEHEURAA API

TE KATORIKA ROMA

E PAPETIZORAA UTUHI I RARO I TE PAPE TA RATOU.

Teie i raro nei te ho'e mau parau tei papaihia e te ho'e pupu taata tourist no roto mai i te haapiiraa rahi ra o B. Y. U. no Utaha. Papaihia mai e ratou na Italia, na te oire rahi mai ra o Naples.

I te ono no te avae Me i mairi iho nei, tae anae atura teie nei mau tourist rii i te oire ra o Naples i te fenua Italia. E i to ratou mataitai anaeraa na roto i teie nei oire nehenehe, tae roa'tura ratou i mua i te hoê Fare Pureraa rahi roa tei parauhia e, e Cathedral, o Saint JANARIUS te i'oa. No te maitai o te perepitero o tana Cathedral ra, faatiahia atura ratou ia tomo e e mataitai i roto i tana fare pureraa rahi tuiroo ra. Aita rea i maoro te mataitairaa, tae atura ratou i mua i te opani rahi tei tamau paari maitaihia i te hoê ponao fare (cadena) paari maitai. Maere anae atura ratou eaha i tamaubia'i teie nei opani. Na roto faahou â i te maitai o teie nei perepitero, iritihia'tura teie nei opani rahi ia ratou. I to ratou faaoraa'tu na teie nei opani rahi, ite atura ratou e tei roto ia ratou i te hoê faahou â fare pureraa tei faaherehere maitaihia no te anotau tahito roa, Te mau mea o roto e mea faaherehere anae ia ei haamana'oraa i te

mau
roa
hiti
raa
atu

raa
afarc
toru



mau oroa tei haapaohia e te haapaoraa Katorika i tahito roa ra. Ua faatiahia teie nei fare pureraa tahito i te matahiti 343 A. D. i te anotau ne Totatino nui. Na te hoê papai-raa tahito i nia i te papai o te fare ta te perepitero i faaite atu ia ratou i ite ai ratou i te reira.

Ia tae ratou i te piha i muri mai o teie nei fare pure-raa tahito, tia atura ratou i te hiti o te hoê apoo pape tei afaro maitai te hiti i nia i te tahua o te fare mai te hurn e toru pie i te hohonu i raro i te tahua e e ono pie te aano e



Te Pasin Bapetizoraa na te Ekalesia Katorika Roma.

nia, e na aua maitaibia te reira i te hoê aua auri varavara e ati noa'e te basin iti pape ra. Faaite atura teie nei perepitero ia ratou e, e tao'a faaherehere teie nei basin na te Ekalesia Katorika Roma ei haamana'oraa i te mau matahiti tahito a baptizo utuhi ai te Ekalesia Katorika i raro i te pape i tahito ra.

"E mea nafea te baptizoraa i roto i te basin?" o te reo ia o te mau taata tourist.

"E mea na roto ia i te utuhi-roa-raa i te taata i roto i te pape," o te pahono ia a teie nei perepitero.

"Te vai ra anei te tabi atu a huru baptizoraa i to te baptizoraa utuhi i roto i te ekalesia i te anotau tahito ra?"

"I te matamua hoê noa iho huru baptizoraa e mea utuhi." O te reo ia o te perepitero. "Area râ i muri iho ua tauhia te reira na roto i te fifi rahi ia baptizo i te tamarii rii nainai. E ere atoa te taniraa i te mea tupu tane noa e mea tupu ririi noa ra e tae noa'tu i te apooraa rahi no Trent i te matahiti hoê tanatini e ono hanere i roto i te reira apooraa i tani-roa hia'i tana oroa baptizoraa utuhi i raro i te pape ra." O te faaiteraa te reira a te perepitero ra.

E ere tei teie oire anae i Naples i itehia'i teie nei mau basin baptizoraa i roto i te pape i tahito ra, tei te mau oire atoa ra no Italia ra o Siena, Verona, Ravenna, Lucca e Pisa, e hoê anae â huru parau i teie nei mau vahi e mea utuhi te baptizoraa i te anotan tahito ra.

Papaikia e Taumata a Tekuravehe

Te Tupuraa no te Ekalesia.

Faauhia ei reo Tahiti e Taumata a Tekuravehe

*E tupu Ziona i te rahi e te nehenhehe,
e faarahihia to'na ra mau otia; e faa-
etaetahia hoi to'na ra mau Titi."*

Buka Fafau 83:14.

Ei haapapuraa i te mau mero no teie Ekalesia i te huru mau o te tupuraa no teie Ekalesia i roto i te taatoaraa o te matahiti 1952 i mairi iho nei. Iritihia mai teie mau faaite-
raa no roto mai i te mau meneti o te mau ohipa tei hi'opoa-
hia i mua i te Ekalesia i roto i te amuiraa rahi i te Eperera
i mairi a'enei, papaihia i roto i te buka "AMUIRAA"
Api 8-11.

Titi e te Misione

Te rahiraa o te mau Titi no Zioua, i te hopea matahiti 1952.	202
Te rahiraa o te mau Amaa paatoa, i te hopea matahiti 1952.	1767.
Te rahiraa Misione i te ao taatoa,	42.

Mero No te Ekalesia

I roto i te mau Titi no Zioua, i te hopea matahiti 1952	974,118.
I roto i te mau Misione, hopea matahiti 1952....	214,935.
Ia amuihia i te hopea o te matahiti.....	1,189,053.

Bapetizoraa

Aiu i haamaitaibia, Titi e te Misione.....	43,114.
Tamarii i Bapetizohia, Titi e te Misione.....	25,896.
Taata rapae i faa-fariu-hia mai, Titi e te Misione	9,035.

Misinare Poro Evanelia

Rahiraa misinare i roto i te mau Titi, matahiti 1952	6,138.
Rahiraa misinare i roto i te Misione, matahiti 1952	2,897.
Amuihia hopea matahiti 1952	9,032.
Te Haamauaraa (budget) o te taatoaraa o te matahiti 1952	
Na te mau piha faatereraa ohipa e te mau piha toro'a no te ekalesia, etc.	Dollar 1,214,665.00.
Na te mau Titi e to'na mau Amaa	9,516,508.00.
Na te Misione e to'na mau Amaa	4,601,828.00.
Na te mau Hiero; faatereraa, tatairaa, faaneheheraa,	689,418.00.
Na te mau fare haapiiraa; faatereraa, hamaniraa, faaneheheraa	3,674,086.00.
Na te Sotaiete imi parau tuatapaparaa	811,581.00.
Na te mau fare huru rau e te fenua	1,109,266.00.
Na te faatereraa e no te mau haaputuputuraa tao'a	1,573,803.00.
Na te mau taxes te mau insurance, etc.	326,980.00.
Te taatoaraa no te tahi atu mau haamauaraa e ere i te tufaa ahuru	Dollar 23,008,044.00.
Te amuiraa no te haamauaraa taatoa no te ekalesia no te matahiti 1952	Dollar 46,526,179.00.
Ia tauhia i te moni Tahiti	Frs. 2,791,570.740.

Tanturu no tei Ati

Taihaa e te maa tei horoahia i tei ati no roto mai i te fare haaputuraa tao'a a te ekalesia	Dollar 1,073,659.00.
Ia tauhia i te moni Tahiti	Frs. 67,640.517.

Aita te Ekalesia i Tarahu

I muri a'e i te tai'o-raa-hia i mua i te amuiraa te mau ohipa tei faaitohia i nia nei, i tai'ohia mai ai te parau hi'opo'araa (report) a te tomita hi'opo'a i te faufaa a te ekalesia, tei na ô mai e: ".....te faufaa i faataahia no te matahiti ua hau atu ia i to tei haamauahia. Mea paari te tiaraa faufaa o te ekalesia, e aita ta'na e tarahu."

TE FAARUERAA O TE MAU HUAAI O IARETA I TE PATU O BABELA

BUKA a MOROMONA Etera 1-6

I rotopu i te mau utuafare i parahi i te patu ra o Babela, te vai atoa ra te huaai o Iareta e te huaai hoi o to'na ra tuana. E feia parau tia hoi ratou, Te taeae o Iareta ra, o te hoê ia peropheta, o tei paraparanu tamau i te Atua ra. Aita roa oia i hinaaro ia tauhia to ratou reo e to'na ra utuafare, ia ore e tia to'na ra metua tane, te metua vahine, e te mau taeae ia paraparanu te tahi i te tahi. No reira, ani atura oia i te Atua ia vai noa to ratou reo tumu, ia ore ratou ia farerei i teie ati rahi, i tupu a'e to'na ra feia.

Ua haapao te Atua i ta'na ra aniraa, mai te faaite ia'na aita e tia faahou ia faaea oia e Iareta e to ratou mau utuafare i taua vahi ra, ia faarue ra ratou i taua vahi ra e haere atu i te fenua êê. Ua faaite atoa maira Te Atua, te vahi ta ratou e haere, o te hoê ia vahi i haamana'ohia no te feia parau tia. e o te hoê ia fenua maitai a'e i te mau fenua atoa o te ao nei.

E mea atea roa ra teie fenua i te patu i Babela, e tei ropu taua na fenua ra i te hoê moana rahi. Nafea hoi ratou e tae atu ai?

Ua tanturu maira hoi te Atua ia ratou. Faaue ihora Oia i te taeae o Iareta ia hamani oia e vau pahi, o tei tia ia tere na raro i te miti, e na 'nia atoa hoi. Haamata ihora ratou i taua ohipa ra. Ua hamani maitai ratou i taua mau pahi ra, e ia oti, ua paari maitai, aita roa'tu e ino, noa'tu te puai o te miti e te matai. Ua tapoi-maitai-hia hoi te mau pahi mai nia e tae roa'tu i raro, e ia fati noa te miti i nia iho, aita ia hoê peapea.

Ia oti a'era te mau pahi i te hamanihia, e no te mea hoi, ua tapoi-roa-hia te mau pahi, e tia ia ratou ia tere na raro i te miti, ua poiri o roto i taua mau pahi ra, aita e tia i te taata ia ite te tahi i te tahi. Ua mana'o ihora ratou e, e riro anei teie feia i te tere atu na roto i te poiri i teie tere roa.

Ua papu ra te mana'o o te taeae o Iareta, e horoa mai te Atua i te maramarama no ratou. No reira, ooti a'era oia, no roto mai i te hoê mou'a hoê ahuru ma ono ofai nainai, mai te afai atu i te reira i te Atua, i te pureraa'tu i te Atua ia faariro i taua mau ofai ra ei mau mori. Teie mau ofai, e mea maramarama roa mai te hi'o te huru, e ia oti a'era te taeae o Iareta i ta'na ra pure, ua faatoro maira te Atua i to'na rima, e tapea ihora oia i taua mau ofai ra, riro a'era teie mau ofai ei maramarama puai roa, e noa'tu ra te turama nei taua mau ofai ra, aita ra ratou i ama, e aita hoi te pahi i paapaa.

No te faaroo rahi o te taeae o Iareta ra, ua ite oia i te

manimani rima o te Atua ra, e i to'na hi'oraa, hoê â to te Atua manimani rima i to te taata nei, Mata'u ihora te taeae o Iareta i ta'na i ite ra, topa ihora oia i mua i te Fatu. I to te Atua iteraa i to'na ra toparaa i raro, ui maira oia, eaha ra oe i topa ai? Na ô maira te taeae o Iareta, i ite na vau i te rima o te Fatu, e ua mata'u hoi au o te tairi mai oia ia'u, aita roa hoi au i ite, e i'o e te toto to te Fatu ra.

Ua faaite maira te Fatu, aita To'na e tino i'o e te ivi i taua taime ra, e vai ra te taime ia rave mai Oia i taua huru tino ra, e haere mai hoi Oia i te ao nei, e faaea i rotopu i te taata nei, e riro Oia i to ratou Faaōra. I taua taime ra, e varua ana'e Oia, area te Varua ra, o te huru mau ia o te taata, no te mea, ua hamanihia te taata nei i te huru o te Atua. I reira, ua faaite maira te Fatu ia'na iho i te taeae o Iareta, mai te parauraa e, O Iesu Mesia Vau.

Ua faaite atea maira te Fatu, aita ê â Oia i faaite mai ia'na iho i te tahi mau taata, no te mea aita'tu e taata e faaroo to'na mai te au i te taeae o Iareta. Ua na ô maira Oia, "Inaha, o teie nei tino ta oe e hi'o nei, o te tino ia o Tau varua: e ua hamani au i te taata i te huru o te tino o Tau varua: e i te huru ta oe i ite Ia'u i te varua nei, e tae atoa vau i tau feia i te tino ra."

Ua faane maira te Fatu ia papai te taeae o Iareta i te parau no te mau mea ta'na i ite ra, eiaha ra e faaite uoa'tu i te taata e tae noa'tu i te tau e faatataurohia'i Iesu. Ua na reira oia, e ua hunahia teie mau parau. E ia hope na matahiti e rave rahi, ua itehia e te ati Nephi, mai te faaitehia mai i roto i te Buka a Moromona.

Ua pou mai te taeae o Iareta no nia mai i te mou'a e,

e ua afai atoa maira i te mau ofai, tuu ihora oia i roto i te pahi, e piti ia ofai i roto i te hoê pahi. Oaoa a'era ratou atoa a ite ai ratou ua maramarama roa i roto i te mau pahi. I reira ua huri ratou i ta ratou mau ohipa atoa i roto i te pahi, a tere atu ai ratou i te fenua i parauhia.

Ua tere te mau pahi na roto i te moana. I te tau miti rahi e te mata'i, ua tere ia ratou na raro i te moana, e ua riro ia ratou mai te tohora te huru. Ia maoro roa a'era, tae atura ratou i te fenua i parauhia. Ua riro taua feia ra te ati Iareta, o tei faaea i te fenua Amerika e tae noa'tu i te mau mahaua i tae mai ai te ati Nephi.

Na
Babela
rave r
pae toc
tufaa f
fenua
rima ta
suke, e
na roto
o te ro
vai at
i nia i
mai ho
miti ra
i muri
atu ai t
i ora i

Te
te mau
i to rat
taua i'a
no te n
anava'
vahi p

TE ARII O SALEMA

Buka Moromona

Na roto i to te mau nunaa faarue-haere-raa i te patu i Babela, ua ratere haere ihora ratou na te mau purumu e rave rahi o teie nei ao. Ua parahi ihora te tahi pae i te pae tooâ o te râ, o tei riro mai hoi o Paletina. O te hoê ia tufaa fenua nehenehe roa. Ua riro hoi taua fenua ra ei fenua ruperupe o tei faahotu mai te ore i haapaobia e te rima taata, i te mau raau faufaa o te tino mai te tiare, te suke, e rave rahi atu a mau maa maitai. Te vai ra hoi e piti na roto i taua vahi ra, hoê ra o te roto toetoe ia, e te piti ra o te roto miti ia, mai te huru o te roto miti i Utaha ra. Te vai atoa ra i taua fenua ra te hoê anavai o tei ore i tahe i nia i te hoê purumu afaro maori ra o Ioridana. Ua tahe mai hoi taua anavai ra mai te roto toetoe e tahe atu i te roto miti ra. Area te roto toetoe ra ua riro mai ia oia i na taima i muri mai ei miti o tei parauhia Galilea, i taua tau ra i riro atu ai te roto miti ra ei miti pohe, no te mea aita te hoê i'a i ora i roto.

Te ora ra hoi te i'a i roto i te miti Galilea, e rave rahi te mau taata o tei haere atu i te hiti o taua roto ra faatia'i i to ratou mau tiahapa no te ohipa taia e no te hooraa'tu i taua i'a ra. Aita rea hoi ratou i haere atu i te miti pohe no te mea aita e faufaa rahi e roa mai.

Mai te mea ra e piti ahuru maille toe a manii atu ai te anava'i ra o Ioridana, i roto i te miti pohe, te vai ra te hoê vahi pāpū o tei riro ei tufaa no te hoê anairaa mou'a o tei

vahi atu i Paletetina. I nia i taua vahi pāpū ra, i te hoê ano-tau tabito, te vai ra te hoê oire, o tei parauhia Salema. Ua riro hoi taua vahi ra ei faaearaa maitai, e toru tauatini e hitu hanere avae i nia a'e i te mīti pohe, e o tei haati maitaibia e te mau moua. Te arii o taua fenua ra o Melehizedeka ia. Aita ra oia i riro ei arii ana'e maori ra ei tahu'a rahi atoa i roto i te Ekalesia mau a te Fatu.

I te mau mahana o Melehizedeka te vai hara ra hoi te mau nunaa o tei parahi i te oire o Salema. E rave rahi o ratou i vaiho atu i te mau mea maitai na roto i te oreraa e hinaaro e haamori atu i te Fatu. Na roto i te faaneraa a te Atua, ua haere atura Melehizedeka i rotopu i to'na mau nunaa, ma te pororaa'tu ia ratou te tatarahapa, e oia atoa i te haapii atu ia ratou i te Evanelia a Iesu Mesia, I reira, ua ite atura taua nunaa ra i to'na huru mana e oia atoa i nia i to'na toroa, inaha hoi ua faatura atura ratou ia'na. Na roto i to ratou faaroora'tu ia'na, i te parauraa'tu ia ratou i te parau no ta ratou mau hara, e oia atoa i te huru o to ratou faainoinoraa i te Atua, ua maru ihora to ratou mau aan e na haamata ihora ratou i te tatarahapa.

Area te mau taata hara ra ua tama'i noa ia ratou ratou iho mai te au atoa hoi i te mau feia êê. O te parau tia ia no nia i te oraraa o te mau taata o te tau o Melehizedeka. Te vai ra hoi te mau tama'i e oia atoa te mau peapea hanore.

Area ra, na roto i to te nunaa o Salema tatarahaparaa i ta ratou ra mau hara, na han ihora to ratao mau peapea e oia atoa i to ratou mau taeae. Na roto i to'na mana vahi i roto i to'na ra toroa aita aera i maoro i muri mai,

ua tau i roa i hora te huru o to'na nunaa, na roto i te riroraa mai ei nunaa parau tia, inaha hoi ua mana i hora te hau i to ratou fenua. No reira, ua pii i hora ratou ia Melehizedeka te arii o te hau.

Ua here maira hoi te Fatu ia Melehizedeka na roto i to'na imiraa i te ravea ia faaora i to'na nunaa mai te hara mai. I taua taime ra te parauhia ra hoi te Autahu'araa i te i'oa o te Tamaiti a te Atua. Na roto i te mana rahi o te i'oa o te Fatu, aita a'era e tia ia faahiti faufaa-ore-noa-hia.

No te mea ua riro o Melehizedeka ei Tahu'a rahi o tei hau i te maitai, ua hinaaro te Fatu ia porohia taua Autahu'araa ra i to'na i'oa. E mai taua mahana ra e tae noa mai i teie nei, ua parauhia a'era taua Autahu'araa te Autahu'araa Melehizedeka. E te mau Tahu'a rarahi. e te mau Aposetolo, e te peresideniraa o te Ekalesia te mauraa o taua Autahu'araa ra.

I te mau tau i muri mai ua tau i-atoa-hia hoi te i'oa o Salema, e ua parauhia Ierusalema, te vahi hoi ia haamani-ino-hia'i te Mesia.

PARAU RII API

Ta tatou amuiraa

E rave rahi te mau taata i tae mai i Tahiti nei no te Amuiraa, e na faaite maira ratou i to ratou manruuru rahi no te mau ohipa i ravehia. Teie te mau fenua i tai'ohia i roto i te amuiraa, e ua tae mai to reira mau taata i rotopu ia matou no teie ohipa nehenehe, oia hoi, Takaroa, Taka-

poto, Makemo, Hikueru, Hao, Tubuai, Huahine, Makatea, Paea (Tahiti), Arue (Tahiti), e Puen (Tahiti). I te tahi mau pureraa ua i roa te fare i te taata, e ua farii ratou pau roa i ta ratou mau tufaa, e mea nehenehe hoi te mau ohipa i ravehia.

Ua haamatahia te ohipa amuiraa i te 14 no Setepa. te monire, na roto i te hautiraa popo (basket ball). E vau pupu i maitihia, e piti no Takaroa, e piti no Papeete, hoê no Hikueru, hoê pupu ruau, e piti pupu orometua. Ua faa-tupu te pupu ruau i te arearea i rotopu i te mau taata, no to ratou itoito i te hautiraa popo, e noa'tu to ratou maua i taua ohipa ra, ua riro ia ratou te hoê rê. I te po mahana toru o taua hepedoma ra, ua hanti te pupu no Papeete i te pupu orometua api, no te haruraa rê, e mea au roa hoi te hautiraa, e i te hopea, ua pau te pupu orometua, e ua riro te rê i te pupu no Papeete, 31 no Papeete, e 28 na te mau orometua. Teie te i'oa o te mau tamarii hanti no te Amaa Papeete, oia hoi, Le Roy (coco) Bonnet, Jean Bonnet, o Viriamu Tahuterani, Gaston (Ioane) Tino, Tiakura Hutibuti.

I te mahana maha oia hoi i te 17 no Setepa, ua haapaohia taua mahana ra, no te mau tamarii. I te hora avatea, ua afaihia'tu ratou i Arue ia hopu i te miti. Ua faaamuhia ratou i te monamona, e ua hanti hoi ratou i te tahi mau hautiraa, e i te po, ua faaho'ihia mai i Papeete no te hoê Cinemaraa.

I te mahana pae, ua haamatahia te ohipa tumu no te amuiraa, na roto i te hoê pureraa antahu'araa i te hora iva, e i te hora ahuru, ua haamatahia te pureraa na te amuiraa. Ua faatere-atoa-hia te tahi pureraa i te ahiahi, e i taua po

ra, ua
atura
ohipa
haapii
reira.

I t
mau p
parau
arii va
au hoi
Etera
mehau
vahine
Takaro
Puen;

I t
te pure

I t
raa pa
tamaa
taua o
toro, e
te taro

I t
raa no
ia faai

Ua
faaite
hia te

ra, ua haapao te pupu tuahine i ta ratou hoóraa tao'a. Hoo atura ratou i te mau ohipa i nirahia i roto i ta ratou mau ohipa pupu tuahine. I taua po ihora, ua faaterehia te mau haapiiraa hoho'a na te mau amaa, e mea nebenehe atoa te reira.

I te mahana maa, ua faatere-faahou-hia te ohipa no te mau pureraa, e i taua po ra, ua faaterehia te oriraa rahi, parauhia te oriraa no te matie piru. Ua maitihia e ono arii vahine. E mau arii vahine nebenehe roa teie, e mea au hoi to ratou mau ahui. Teie to ratou mau i'oa, oia hoi, Etera Perry, Arii vahine no te Amaa Papeete; Doris Tekamehameha, Arii vahine no Paea; Rosalie Tehani, Arii vahine no Tubuai; Tita Tekuravehe, Arii vahine no te Amaa Takaroa; Ema Kame Faatahe, Arii vahine no te Amaa Puen; e o Tetuanui Hi o Arii vahine no te Amaa Hikuenu.

I te mahana Sabati, ua faaterehia e torn pureraa, e i te pureraa avatea, ua i roa te fare, aita tu e parahiraa faahou.

I te Monire, oia hoi, te 21 no Setepa, ua haere te amuiraa pan roa i Arue, ia hopu i te miti, e ia faatia i te hoê tamaaraa Tahiti. Hoê tauatini tiahapa taata i tae mai no taua ohipa ra. Teie te rahiraa te maa i amuhia. Hoê puatoro, e 7 puaa, 20 auhopu, 4 moa, 600 kilo umara, 300 opaa, te taro, te tihota, e hitu pute faraoa.

I te mahana piti, te 22 no Setepa, ua faatiahia te pure-raa no te pupu tuahine. Ua anihia te mau tuahine faatere, ia faaite i to ratou mau mana'o.

Ua manruuru roa te mau taata'toa i teie amuiraa, e ua faaite ana'e maira ratou i to ratou hinaaro ia faatere-faahou-hia te hoê amuiraa mai teie te huru i teie matahiti i mua nei.

Ua faataahia na Orometua Robert raua Dean, no te
fenua Tubuai

I roto i teie na avae i mairi a'enei ua maitihia e piti
orometua no te ohipa i te fenua Tubuai. Ua tere atu ratou
i te fenua Tubuai na nia i te pahi o te Ekalesia o "Paraita".
E toru avae rana i te faaearea i reira. E tauturu ia raua
i te ohipa i roto i te mau amaa, e rave atoa raua i te ohipa
poro-haere-raa i te Evanelia.



Robert Steed



Wallace Dean Whiting